

12. ADMINISTRIMI I BURIMEVE FINANCIARE TË ERE GJATË VITIT 2023

12.1. Përcaktimet ligjore për financimin e ERE

Ligji nr. 43/2015, datë 30.4.2015 “Për sektorin e energjisë elektrike”, i ndryshuar në Nenin 17 ndër te tjera përcakton se:

- Buxheti i ERE-s miratohet nga bordi i ERE.
- ERE ka autonomi në përdorimin e buxhetit të tij.
- Burimet financiare të ERE-s përbëhen nga pagesat rregullatore dhe pagesat e licencave, të miratuara nga ERE.
- Buxheti i ERE për vitin 2023 u miratua me vendim të Bordit nr. 116/2023. Ky buxhet mori në konsideratë kërkesat për funksionimin e ERE-s përgjatë vitit 2023.
- Administrimi i burimeve të financës prgjate vitit 2023 është realizuar duke zbatuar aktet ligjore dhe nënligjore përkatëse për administrimin e financave të ERE-s, përfshirë përcaktimet e ligji nr. 43/2015, datë 30.4.2015 “Për sektorin e energjisë elektrike”, i ndryshuar, ligji nr. 9643, datë 20.11.2006 “Për prokurimet publike”, i ndryshuar, Ligji nr. 9228, datë 29.4.2004 “Për kontabilitetin dhe pasqyrat financiare”, si dhe Urdhërit nr. 64 datë 22.7.2014 “Për shpalljen e standarteve kombëtare të kontabilitetit të përmirësuar dhe zbatimin e detyrueshëm të tyre”.

13.2. Zërat Kryesorë të Shpenzimeve të ERE-s

Ndër zërat kryesorë të shpenzimeve të ERE për vitin 2023 mund të përmendim:

Pagat e personelit, kontributet e sigurimeve shoqërore dhe shëndetësore, tatimet mbi të ardhurat, për të cilat institucioni i ERE ka shlyer të gjitha detyrimet dhe nga sistemi elektronik “Detyrimet në kohë reale” nuk rezulton debitor apo me gjoba.

Pagesat për shlyerjet e detyrimeve të shërbimeve si ujë, energji elektrike, telefon, për të cilat ERE gjithashtu nuk është debitor,

Shpenzime për shërbime të domosdoshme për mbarëvajtjen e punës si dhe amortizimi i aktiveve të qëndrueshme të trupëzuara etj.

Përgjatë vitit 2023 janë kryer dhe pagesat me qëllim përmbushjen e angazhimeve në cilësinë e vendit anëtar në një sërë organizatash të rëndësishme ndërkombëtare të sektorit të energjisë të tillë si MEDREG, ERRRA, IGU, CEER.

Publikimet për informim të opinionit publik përgjatë këtij viti janë realizuar në zbatim të Ligjit nr. 43/2015, datë 30.4.2015 “Për sektorin e energjisë elektrike” i ndryshuar dhe Ligjit nr.102/2015 “Për sektorin e gazit natyror” i ndryshuar.

12.3. Auditimi i ERE

Ligji nr. 43/2015, datë 30.4.2015 “Për sektorin e energjisë elektrike” i ndryshuar në nenin 17 pika 7 përcakton e “Auditimi i veprimtarisë financiare të ERE-s kryhet nga ekspertë të miratuar kontabël, të cilët përzgjidhen dhe ushtrojnë veprimtarinë e tyre, në përputhje me legjislacionin në fuqi”.

Veprimtaria ekonomiko - financiare e ERE-s për vitin 2023, në zbatim të parashikimeve të nenit 17 të ligjit nr.43/2015 sipercituar është audituar nga një grup ekspertësh kontabël të regjistruar dhe të licensuar për këtë aktivitet bazuar në Ligjin nr. 10091, datë 05.03.2009 “Për auditimin ligjor, organizimin e profesionit të ekspertit kontabël të regjistruar dhe të kontabilistit të miratuar”.

Në Shtojcën 1 të këtij raporti paraqitet raporti përkatës i ekspertit kontabël që lidhet me ecurinë financiare të ERE-s gjatë vitit 2023 si dhe Shtojcën 2 raporti i performancës.

Buxheti i ERE per vitin ne vijim u miratua me vendim të Bordit nr. 38 dt. 29.03.2024.

Ky buxhet merr në konsideratë kërkesat për funksionimin e ERE-s përgjatë vitit 2024.

Në mënyrë të detajuar ky buxhet paraqitet në tabelën e më poshtme.

13.4 Buxheti për vitin 2024

Nr,	Emërtimi	Vlera
I	SHPENZIME OPERATIVE	441,540,000
	Paga personeli	273,500,000
	Shpenzime për Sigurime Shoqërore dhe Shëndetësore	25,200,000
	Shpenzime Amortizimi	2,000,000
	Shpenzime te tjera	140,840,000
II	INVESTIME	17,600,000
	Teprice monetare per vitin 2023	90,270,000
	Totali i shpenzime të pritshme të vitit 2024	368,870,000

Figura 120. Buxheti i ERE-s për vitin 2024

SHTOJCA 1. Raporti i Auditimit të Pasqyrave Financiare

Nr. 118/s prot dt 28.3.20

PASQYRAT FINANCIARE PËR VITIN E MBYLLUR MË 31 DHJETOR 2023
ENTI RREGULLATOR I ENERGJISË (ERE)

NIPT: K517170241

Adresa: Blv. "Bajram Curri",
Rruga "Viktor Eftimiu" 1023
e-mail: erealb@ere.gov.al
Tiranë, Shqipëri

Tiranë, më 28/03/2024


Përmbajtja

Pasqyra e pozicionit financiar.....	1
Pasqyra Performancës (Burimet dhe Përdorimet).....	2
Pasqyra e ndryshimit të Fondeve.....	3
Pasqyra e flukseve monetare.....	4
Shënimet shpjeguese të pasqyrave financiare.....	5
A. Informacion i përgjithshëm.....	5
B. Parimet bazë për përgatitjen e pasqyrave financiare.....	5
C. Politikat kontabile.....	6
1. Transaksionet në monedhë të huaj.....	6
2. Instrumentat financiare.....	6
3. Inventaret.....	8
4. Aktivët Afagjate Materiale (AAM-t).....	8
5. Qiratë.....	9
6. Transaksionet me palët e lidhura.....	9
7. Grantet qeveritare.....	9
8. Të Ardhurat dhe shpenzimet.....	9
9. Përfitimet e punonjësve.....	10
10. Angazhimet dhe detyrime të kushtëzuara.....	10
11. Korrigjimi i gabimeve.....	10
12. Ngjarje pas mbylljes së pasqyrave financiare.....	10
D. Shënimet për Pozicionet Financiare.....	11
1. Mjetet monetare.....	11
2. Të arkëtueshme.....	11
3. Inventarët.....	11
4. Aktivët Afagjate Materiale (AAM) dhe Jo Materiale (AAJM).....	12
5. Të pagueshme për aktivitetin e shfrytëzimit.....	12
6. Të ardhurat nga aktiviteti.....	12
7. Shpenzimet për personelin.....	12
8. Shpenzimet për amortizimin dhe zhvlerësimi.....	13
9. Shpenzime të tjera shfrytëzimi.....	13
10. Shpenzime financiare.....	13
11. Rritje/(Rënie) Neto e Fondeve.....	13
12. Teprica e Fondeve më 31.12.2022.....	13
13. Palet e lidhura.....	13
14. Angazhime dhe detyrime të kushtëzuara.....	14
15. Kontrollë tatimore.....	14
16. Ngjarje pas datës së bilancit.....	14

Pasqyra e pozicionit financiar

AKTIVET	Shënime	31 dhjetor 2023	31 dhjetor 2022
Aktive afatshkurtra			
Mjete monetare	1	107,265,452	89,624,668
Investime		-	-
Te drejta te arketueshme		-	-
Nga aktiviteti i shfrytezimit		-	-
Te tjera	2	4,153,917	7,391,080
Inventaret		4,317,227	1,856,928
Inventar i konsumueshëm për aktivitetin	3	4,474,070	4,941,492
Shpenzime te shtyra		-	-
Te arketueshme nga te ardhura te konstatuara		-	-
Totali i aktiveve afatshkurtra		120,210,666	103,814,168
Aktive afatgjate			
Aktive financiare		-	-
Aktive materiale		-	-
Mjete Transporti	4	3,802,348	4,752,931
Mobilje dhe pajisje zyre	4	5,185,723	6,334,654
Pajisje informatike	4	21,310,530	28,169,335
Aktive jo materiale			
Koncensione, patenta, licensa, makra tregtare, te drejta dhe aktive te naiashme	4	84,877,108	59,980,092
Parapagime per AAJM		-	-
Aktivitet tatimore te shtyra		-	-
Totali i aktiveve afatgjata		115,175,709	99,237,011
Totali i Aktiveve		235,386,375	203,051,179
DETYRIMET DHE KAPITALI			
Detyrime afatshkurtra			
Detyrime ndaj institucioneve te kredise		-	-
Te pagueshme per aktivitetin e shfrytezimit	5	585,446	779,084
Te pagueshme ndaj punonjesve dhe sigurimeve	5	15,229,412	3,018,559
Te pagueshme per detyrime tatimore	5	2,285,790	2,926,015
Te tjera te pagueshme	5	59,973	60,517
Te pagueshme per shpenzime te konstatuara		-	-
Te ardhura te shtyra		-	-
Provizione		-	-
Totali i detyrimeve afatshkurtra		18,160,621	6,784,175
Detyrime afatgjata			
Totali i detyrimeve afatgjata		-	-
Detyrime Totale		18,160,621	6,784,175
Fondet të akumuluar - ERE		196,267,004	180,457,152
Rritje/Rënie fondesh gjatë vitit	11	20,958,749	15,809,852
Shuma		217,225,753	196,267,004
Totali i Detyrimeve dhe i Fondeve		235,386,374	203,051,179

Hartuesi i Pasqyrave Financiare
Aferdita Bushi



Kryetar në detyrë
Erjola Sadushi



SHTOJCA 2. Raporti i Performancës

Enti Rregullator i Energjisë Elektrike (ERE) Letra për Drejtimin – Raporti Vjetor 2023

LETET REKOMANDIMI E PROFESIONISTËVE TË PAVARUR

Drejtuar: Kryetarit dhe Bordit të Entit Rregullator të Energjisë (ERE)

Gjatë planifikimit dhe kryerjes së procedurave tona për të shqyrtuar informacionin jo-financiar të paraqitur në Raportin Vjetor për vitin e mbyllur më 31 Dhjetor 2023 ("të dhëna të zgjedhura"), me qëllim dhënien e sigurisë së kufizuar ne morëm në konsideratë strukturën e kontrollit të brendshëm të Entit në mënyrë që të përcaktonim procedurat e Angazhimit për Dhënien e Sigurisë planifikuar dhe kryer në përputhje me Standardin Ndërkombëtar SNAS 3000, "Angazhimet e Dhënies së Sigurisë ("SNAS 3000") që ndryshojnë nga Auditimet ose Rishikimet e Informacioneve Financiare Historike", me qëllim që të jepnim një opinion për dhënie sigurie të nivelit të kufizuar për:

- Verifikimin e informacioneve shpjeguese cilësore dhe sasiore të paraqitura me strukturat organizative të ERE-s si dhe në Raportin Vjetor 2023 në mënyrë specifike për gjendjen në sektorin e energjisë elektrike dhe të gazit natyror, në krahasim me kriteret e zbatueshme ("Kriteret e Përformances", të ilustruara në Raportin Vjetor), mbështetur në Ligjin nr. 43/2015, "Për Sektorin e Energjisë Elektrike", i ndryshuar dhe Ligjin Nr. 102/2015 "Për Sektorin e Gazit Natyror", i ndryshuar.


Ne kemi raportuar vetëm ato çështje që kanë qenë në vëmendjen tonë gjatë procesit të këtij angazhimi duke përfshirë dhe vlerësimin e sistemit të kontrollit të brendshëm deri në masën e nevojshme për të përcaktuar natyrën, kohën dhe shtrirjen e procedurave të tjera. Puna jonë nuk ka pasur si qëllim kryesor zbulimin e dobësive, zbulimin e mashtrimeve ose parregullsive të ngjashme dhe si rrjedhim nuk duhet të merret si bazë që asnjë dobësi tjetër nuk ekziston.

Çështjet e ngritura në këtë letër janë vetëm ato të cilat kanë qenë në vëmendjen tonë gjatë këtij angazhimi dhe që ne besojmë se duhet të sillen në vëmendjen tuaj. Nuk përfshihen të gjitha çështjet e mundshme, dhe në veçanti, ne nuk mund të jemi përgjegjës për raportimin e të gjitha rreziqeve në biznesin tuaj ose të gjitha dobësive në kontrollit të brendshëm. Rrjedhimisht, komentet në këtë letër i referohen vetëm çështjeve, të cilat kanë ardhur në vëmendjen tonë gjatë rrjedhës normale së punës sonë dhe nuk paraqet të gjitha përmirësimet e mundshme, të cilat mund të identifikohen nga një shqyrtim i veçantë.

Ky raport lëshohet vetëm për qëllim informativ dhe për përdorim nga Drejtimi dhe Bordi i ERE, e për rrjedhojë nuk mund të përdoret nga persona të tjerë.

Ne duam të shprehim vlerësimin tonë ndaj drejtimit dhe punonjësve për ndihmën dhe bashkëpunimin përgjatë procesit.

Nexia-AL sh.p.k
Orjana Kalaja
Auditues Ligjor
License Nr.284



Enti Rregullator i Energjisë Elektrike (ERE) Letra për Drejtimin – Raporti Vjetor 2023

REKOMANDIME TË AUDITUESVE TË PAVARUR PËR VLERËSIMIN E PËRFORMANCËS 2023

1. Automatizimi i mënyrës së raportimit të licensuarve pranë ERE

Çështje

Gjatë kryerjes së procedurave tona për të shqyrtuar informacionin jo-financiar të paraqitur në Raportin Vjetor për vitin e mbyllur më 31 Dhjetor 2023, ne vumë re që përpunimi i informacionit në lidhje me Bilancin Energjistik kryhej në formate excel në departamentin e monitorimit në bazë të raportimeve të kryar nga operatorët e licensuar.

Këto formate raportimi ishin të ndryshme në varësi të secilit operator, nga ku ERE, konsolidon të dhënat më pas në mënyrë manuale, gjë që kërkon kohë dhe mund të jetë subjekt i gabimeve manuale.

Impakti

ERE, përgatit Raportin Vjetor, mbështetur në Ligjin nr. 43/2015, "Për Sektorin e Energjisë Elektrike", i ndryshuar dhe Ligjin Nr. 102/2015 "Për Sektorin e Gazit Natyror", i ndryshuar, megjithatë, nuk ka implementuar një sistem informatik gjithëpërfshires për konsolidimin e informacionit nga entitetet raportuese pa patur nevojën e ndërhyrjeve manuale.

Rekomandimi

Të krijohet një tool në excel monitorues dhe raportues i cili të unifikojë mënyrën e raportimit të entiteteve të licensuar nga ERE. Në këtë tool çdo operator i sektorit energjistik duhet të ketë mundësinë të raportojë dhe dokumentojë në mënyrë të standardizuar bilancin e tij energjistik, gjë që duhet të lehtësojë edhe procesin e konsolidimit të të dhënave në mënyrë të standardizuar. Gjithashtu është evidentuar pamundësia e garantimit të një shërbimi cilesor që lidhen me inspektimet e të licensuarve ku përfshihen realizimet e inspektimeve të thelluara rastësore.

Komentet e Drejtimin

ERE sipas parashikimeve në Buxhetin e vitit 2023 ku në zërin për investime në automatizimin e mënyrës së raportimit të pjesëmarrësve të tregut në ERE ishte parashikuar një fond ka përfunduar kontratën për realizimin e kësaj platforme. Aktualisht pritur të realizohen testimet dhe trainimet me të licensuarit për përdorimin e kësaj platforme dhe vijimin e raportimeve nëpërmjet saj, proces i cili pritet të përfundojë brenda muajit maj 2024.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

2. Mbivendosje funksionesh në strukturën organizative të ERE**Çështje**

Gjatë kryerjes së procedurave tona për të shqyrtuar informacionin jo-financiar të paraqitur në Raportin Vjetor për vitin e mbyllur më 31 Dhjetor 2023, ne vumë re që disa funksione monitorimi ndaj operatorëve të licensuar pranë ERE janë të përsëritura dhe të mbivendosura përkatesisht pranë Departamentit të Monitorimit të Tregut dhe Inspektiveve, si edhe pranë Departamentit të Licensimit, Autorizimeve dhe Mbikëqyrjes.

Gjithashtu ne vumë re se sipas kërkesave të Ligjit nr. 43/2015, Nenin 11 pika 7 ERE ka përcaktuar pagën dhe strukturën në përputhje me këto kerkesa. Kështu me anë të vendimit nr. 46, nr. 47 dhe nr. 61 të vitit 2016 janë miratuar Rregullorja për trajtimet financiare bazë të punonjësve të ERE, trajtimi financiar bazë me karakter të përkohshëm si edhe përcaktimi i nivelit të trajtimit financiar bazë për kushtet e tregut të punës.

Impakti

Mbivendosja e funksioneve dhe përsëritja e tyre në disa departamente, bën që të rriten kostot operacionale si edhe përsëritje procedurash për subjektet e licensuara duke shtuar burokratë dhe kohën e procesimit të informacioneve.

Rekomandimi

Të rishikohet struktura organizative e ERE si edhe përshkrimi i roleve të secilit departament, duke parë mundësinë që funksionet mos të jenë të përsëritura por të rritet koordinimi midis departamenteve në mënyrë që të kontribuojë në rritjen e efikasitetit në kryerjen e proceseve të ndryshme administrative. Po ashtu verëhet që ambientet e punës në ERE nuk ofrojnë kushte optimale për punonjësit dhe për shërbimet ndaj konsumatorëve, të licensuarve si dhe pozicionit që ERE zë në sektorin e Energjisë brenda dhe jashtë vendit.

Duhet vlerësuar mundësia e sigurimit të ambienteve të përshtatshme për kryerjen e funksioneve të dhe shërbimeve të ERE sipas standarteve.

Komentet e Drejtimin

ERE, ka realizuar analizën përkatëse lidhur me ndarjen e funksioneve të drejtorive respektivisht DLAM, DMTI dhe DMKPS. Nga analiza rezultoi se detyrat e këtyre drejtorive janë të ndara sikurse vijon:

- DLAM kryesisht realizon mbikëqyrjen e kushteve të licenses, në të njëjtën kohë DMTI realizon procesin e monitorimit të tregut me shumicë të energjisë elektrike ku rol të vecantë kanë transaksionet në tregun e energjisë elektrike,
- DMKPS realizon mbikëqyrjen e standarteve të cilësisë së furnizimit me energji elektrike në tregun me pakicë të energjisë.

ERE në vijim, në përputhje me dinamikën e zhvillimit të tregut të energjisë, si dhe eksperiencave të institucioneve homologe ka përgatitur rishikimin e organigramës e cila do të pasohet me ndryshimin e strukturës organizative për shmangjen e këtyre mbivendosjeve në detyrat funksionale. Në këtë kuadër të rishikohet dhe të përshtatet rregullorja e funksionimit të ERE në përputhje me strukturën e përgatitur. Bordi i ERE në përputhje me Ligjin nr. 43/2015, ka përcaktuar pagën dhe strukturën në përputhje me Nenin 11 pika 7 të ligjit. Për më tepër Bordi ka marrë parasysh edhe kushtet e tregut dhe nivelin e pagave të subjekteve që kontrollohen nga ERE në procesin e përcaktimit të tyre për punonjësit e saj proces i cili në përputhje dhe me Ligjin nr. 35/2023, datë 25.5.2023 "Për kompetencat për caktimin e pagave, trajtimeve të tjera financiare dhe përfitimeve të të punësuarve në institucionet e administratës publike, si dhe të pagës bazë minimale në shkallë vendi" në përputhje me të cilën është miratuar me Vendimin 214/2023 dhe Rregullorja "Për caktimin e pagave, trajtimeve të tjera financiare dhe përfitimeve të të punësuarve në ERE".

Është për tu theksuar po ashtu se ERE duhet të parashikojë në buxhet dhe në vijim marrjen e ambienteve të përshtatshme me qera për krijimin e kushteve për punonjësit pasi aktualisht ambientet e ERE-s nuk krijojnë mundësinë e funksionimit optimal të strukturës apo dhe sfidave që i dalin në hapjen e tregut apo dhe fushat si bashkëpunim me entet e tjera rajonale apo dhe më gjerë.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

REKOMANDIMET PËR VITIN 2023 SIPAS REZOLUTËS “PËR VLERËSIMIN E VEPRIMTARISË SË ERE PËR VITIN 2022”

1. Nxitja e investimeve për prodhimin e energjisë elektrike nga burimet e rinovueshme

Çështje

Të luajë një rol proaktiv dhe të bashkëpunojë me të gjithë aktorët për të bërë të mundur lehtësimin e barrierave dhe nxitjen e investimeve në rritjen e prodhimit të energjisë elektrike nga burime të rinovueshme (dielli, era dhe forma të tjera), shfrytëzimi i burimeve diellore dhe të erës do të përmirësonte ndjeshëm sigurinë energjitike të vendit duke diversifikuar burimet e energjisë dhe duke e bërë sistemin më pak të ekspozuar ndaj ndikimeve klimatike.

Impakti

Lehtësimi i barrierave dhe nxitja e investimeve do të ndikonte ndjeshëm në rritjen e prodhimit të energjisë elektrike nga burimet e rinovueshme.

Rekomandimi

Përcaktimi i afateve të pritshme për finalizimin e këtij procesi.

Komentet e Drejtimit

Për plotësimin e këtij rekomandimi ERE ka zhvilluar një sërë korrespondencash me OSSH sh.a. për të kërkuar informacion për të krijuar një panoramë më të gjerë në lidhje me situatën dhe potencialin e burimeve të vogla të rinovueshme si ato fotovoltaike.

ERE ka kërkuar informacion subjekteve tregëtarë, lidhur me shkallën e interesit të shfaqur gjatë vitit 2023 nga konsumatorët e energjisë elektrike për instalimin e paneleve fotovoltaike për kategorinë e konsumatorëve familjarë dhe jofamiljarë si dhe një vlersim nga ana e subjekteve tragarë në lidhje me masën e kthimit të investimit të kryer për këto impiante.

ERE ka qene pjese aktive e bashkepunimit me MIE ne draftimin e Ligjit “Per nxitjen e perdorimit te energjise nga burimet e rinovueshme” i cili ka hyre ne fuqi ne Prill te vitit 2023.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

2. Miratimi i akteve rregullatore për nxitjen e përdorimit të energjisë nga burimet e rinovueshme**Çështje**

Të angazhohet në miratimin në një kohë sa më të shkurtër të akteve rregullatore që dalin si detyrim pas miratimit në Kuvend të ligjit "Për nxitjen e përdorimit të energjisë nga burimet e rinovueshme".

Impakti

Nxitja e investimeve të burimeve të vogla të rinovueshme nëpërmjet krijimit të një terreni ligjor optimal, do ishte mjaft impaktuese për diversifikimin e prodhimit të energjisë por edhe në uljen e shpenzimeve konsumatore me qëllim garantimin e furnizimit me energji elektrike.

Rekomandimi

Materializimi i informacioneve të marra nga korrespondenca me OSSH sh.a dhe MIE, në raporte, relacionë, apo akte konkrete me qëllim nxitjen e investimeve.

Komentet e Drejtimit

Për plotësimin e këtij rekomandimi ERE ka vijuar korrespondenca me OSSH sh.a. apo dhe OST sh.a. për të kërkuar informacion për të krijuar një panoramë më të gjerë në lidhje me situatën dhe potencialin e burimeve të vogla të rinovueshme si ato fotovoltaike apo dhe korespondencën me të licensuarit lidhur hyrjen në punë të impianteve të prodhimit të energjisë elektrike nga burimet e rinovueshme si impianti i Karavastase me fuqi 140 MWp, licensat e dhëna në impiante për të cilat është marre autorizimi në MIE përgjatë vitit 2022-2023. Të dhënat e marra nga OSSH sh.a janë analizuar dhe janë bërë pjesë e raportit Vjetor.

Përveç sa më sipër, ERE në mënyrë periodike ka mbledhur të dhëna në lidhje me impaktin që burimet e rinovueshme, veçanërisht ato fotovoltaike (vetëprodhuesit si një kategori në rritje vitin e fundit) kanë në bilancin energjistik, dhe ka mbajtur korespondenca të vazhdueshme me Ministrinë e Infrastrukturës dhe Energjitikës, me qëllim plotësimin e kuadrit të nevojshëm ligjor që do të lehtësojë rritjen e peshës së kësaj kategorie prodhuesish në prodhimin vendas e do të kontribuojë në uljen e shpenzimeve të konsumatorit sa i përket konsumit familjar të energjisë elektrike sic është draft VKM "Për miratimin e rregullave, procedurave dhe skemën mbështetëse të faturimit neto për vetëprodhuesit e energjisë së rinovueshme".

Duke qenë se aktualisht ligji për burimet e rinovueshme është miratuar, ERE është angazhuar dhe ka marrë masa për nxjerrjen e një sërë aktesh të rëndësishme sic janë;

- (i) Metodologjia mbi përcaktimin e detyrimit për energjinë e rinovueshme për t'u paguar nga konsumatorët fundorë të energjisë elektrike për të cilën ERE ka filluar procedurën dhe është në proces të konsultimeve të dokumentit me palët e interesit;
- (ii) Rregullorja për Lëshimin, Transferimin, Shlyerjen dhe Revokimin/Anullimin e Garancive të Origjinës për Energjinë Elektrike të Prodhuar nga Burimet e Rinovueshme për të cilën po ashtu është filluar procedura dhe dokumenti po konsultohet me palët;
- (iii) Kushtet e përgjithshme të Kontratës për Diferencë e cila është në fazën e përgatitjes.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

3. *Draft rregullorja për kriteret specifike për përfitimin e statusit të klientëve në nevojë*

Çështje

Në kuadër të mbrojtjes së konsumatorit, të bashkëpunojë me Ministrinë e Mirëqenies Sociale dhe Rinisë dhe aktorët e tjerë në draftimin e rregullores për kriteret specifike dhe procedurat për përfitimin e statusit të klientëve në nevojë të parashikuara në legjislacionin në fuqi.

Impakti

Aksesimi i “Klientit në nevojë” në disa të drejta të veçanta lidhur me furnizimin me energji elektrike, të siguruara në përputhje me kriteret specifike dhe procedurat për përfitimin e statusit të klientëve në nevojë.

Rekomandimi

Draftimi i rregullores për kriteret specifike dhe procedurat për përfitimin e statusit të klientëve në nevojë të parashikuara në legjislacionin në fuqi.

Komentet e Drejtimin

Gjatë vitit 2023 ERE me ngritjen e grupit të punës ka realizuar dhe miratuar një vlerësim mbi politikat rregullatore për mbrojtjen e klientëve në nevojë në sektorin e energjisë elektrike. Në realizimin e këtij studimi janë mbajtur në konsideratë analizimi i të dhënave si:

- Varfëria energjitike dhe konsumatorët në nevojë në BE;
- Varfëria energjitike dhe konsumatorët në nevojë në Palet Kontraktore te Traktatit të Komunitetit të Energjisë;
- Faktoret që ndikojnë në vlerësimin e varferise energjitike;
- Krijimi i observatorit të varfërisë energjitike të Bashkimit European dhe Energy Advisory Hub;
- Monitorimi i Varferise Energjitike;
- Programet e Varferise Energjitike;
- Komunitetet e Energjise per zbutjen e varferise energjitike;
- Shqipëria dhe legjislacioni për konsumatorët në nevojë dhe varfërinë energjitike;
- Rekomandimet e ERE.

Gjetjet e këtij vlerësimi të ERE u janë përcjellë të gjitha palëve të identifikuara të interesit duke përfshirë ministrinë përgjegjëse për draftimin e kriterëve të identifikimit të klientëve në nevojë apo edhe shoqatave që në objekt të veprimtarisë së tyre kanë mes të tjerave dhe mbrojtjen e kësaj kategorie.

Enti Rregulator i Energjisë Elektrike (ERE) Letra për Drejtimin – Raporti Vjetor 2023

4. Adresimin në kohë reale të kërkesave për informacion të konsumatorit**Çështje**

Të marrë masa që numri i gjelbër të jetë funksional dhe të ketë stafin përkatës, i cili bën të mundur adresimin në kohë reale të kërkesave për informacion të konsumatorit, si dhe jep orientimet për adresimin më të shpejtë të ankesave sipas legjislacionit në fuqi. Në të njëjtën kohë, duke patur parasysh fuqinë e mediave sociale, të jetë më aktiv në promovimin përmes tyre të të drejtave të konsumatorëve, sensibilizimin e tyre mbi kursimin e energjisë elektrike, broshurave informative për konsumatorin, si dhe informacione të tjera që i shërbejnë konsumatorit.

Impakti

Adresimi në kohë reale i kërkesave për informacion të konsumatorit si edhe realizimi i orientimit për adresimin më të shpejtë të ankesave.

Rekomandimi

Promovimi proaktiv përmes mediave sociale të të drejtave të konsumatorëve, sensibilizimin e tyre mbi kursimin e energjisë elektrike, broshurave informative për konsumatorin, si dhe informacione të tjera që i shërbejnë konsumatorit.

Komentet e Drejtimit

Gjatë vitit 2023 është realizuar dhe arritur nëpërmjet disa mjeteve të komunikimit ku peshën më të madhe e zë Vënia në funksion e numrit të gjelbër për informimin e konsumatorit.

Aktualisht konsumatorët telefonojnë rregullisht për të pyetur për statusin e ankesës së bërë pranë ERE-s, por edhe për të marrë informacion të përgjithshëm mbi çështjet e tyre të interesit. Nga ana e strukturave përgjegjëse për menaxhimin e numrit të gjelbër jepen përgjigjet lidhur me trajtimin e ankesës si dhe orientohen gjithashtu për të ndjekur në faqën zyrtare të ERE-s në regjistrin e ankesave që përditësohet rregullisht.

Ky numër telefonik reklamohet jo vetëm në faqen zyrtare të ERE-s dhe në rrjetet sociale por dhe në shkresat e drejtorisë së DMPKS.

Përgjatë vitit 2023 janë organizuar disa aktivitete ndërkombëtare të organizatave në të cilat ERE aderon, ku objekti i diskutimit dhe fokusi ka qënë pikërisht arritja te konsumatori me informacion utilitar dhe aktivizimi i tij.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

5. Implementimi i platformës së krahasimit të cmimeve

Çështje

Të rrisë përpjekjet për implementimin brenda vitit 2024 të platformës së krahasimit të cmimeve (Price Comparison Tool), e cila u ofron furnizuesve mundësinë e paraqitjes së cmimeve të energjisë elektrike për konsumatorët që zgjedhin të furnizohen nga tregu i lirë duke i dhënë mundësinë e vlerësimit në mënyrë transparente të ofertave.

Impakti

Ju ofrohet furnizuesve mundësia e paraqitjes së cmimeve të energjisë elektrike për konsumatorët që zgjedhin të furnizohen nga tregu i lirë duke ju dhënë mundësinë e vlerësimit në mënyrë transparente të ofertave.

Rekomandimi

Implementimin brenda vitit 2024 të platformës së krahasimit të cmimeve (Price Comparison Tool) të energjisë elektrike nga furnizuesit për konsumatorët.

Komentet e Drejtimit

Platforma e krahasimit të cmimeve (PCT) është kontraktuar nga ana e ERE-s përgjatë vitit 2023 në përputhje me parashikimet e buxhetit të vitit 2023. Përgjatë fundit të vitit 2023 dhe fillimit të vitit 2024 nga ana e ERE janë zhvilluar trainime me përfaqësues të shoqatës së Furnizuesve dhe tregtarëve të energjisë elektrike për të mundësuar hedhjen e të dhënave në platformë e cila do të jetë funksionale brenda Prillit të vitit 2024.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

6. Bashkimin e tregjeve në bursë edhe me Maqedoninë e Veriut / Malin e Zi

Çështje

Të vijojë kontributin e saj për bashkërendimin e punës mes rregullatorëve, TSO-ve dhe bursës për të mundësuar bashkimin e tregjeve jo vetëm ndërmjet Shqipërisë dhe Kosovës, por edhe më tej me Maqedoninë e Veriut apo Malin e Zi.

Impakti

Funksionimi i bursës për të mundësuar bashkimin e tregjeve jo vetëm ndërmjet Shqipërisë dhe Kosovës, por edhe më tej me Maqedoninë e Veriut apo Malin e Zi sjell lehtësim në bashkimin e tregjeve me vendet fqinje dhe modelin e synuar European.

Rekomandimi

Bashkërendimin e punës mes rregullatorëve me vendet fqinje për të mundësuar bashkimin e tregjeve edhe me Maqedoninë e Veriut apo Malin e Zi.

Komentet e Drejtimit

Në lidhje me këtë detyrë në përputhje dhe me Memorandumin e mirëkuptimit të nënshkruar në nëntor 2023 mes rregullatorëve, OST-ve dhe Bursave të Shqipërisë, Maqedonisë së Veriut, Kosovës dhe Greqisë synohet vijimi i punës për bashkërendimin e punës dhe përafrimin e legjislacionit apo dhe marrëveshjeve teknike për bashkimin e tregjeve me vendet e rajonit. Njëpërmjet platformës së trajnimit që do të trajtohen njëpërmjet shkollës së Ballkanit të energjisë e krijuar me pjesëmarrjen e Italisë, Malit të Zi, Maqedonisë së Veriut dhe Bosnjës pjesë e së cilës u bë dhe Greqia do të shihet mundësia e trainimit të stafeve të Rregullatorëve për barrierat dhe sfidat e mundshme që dalin në vijim të këtij procesi.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

7. Bashkëpunimi me Albgaz për riparimin e TEC Vlore dhe mundësinë e injektimit të gazit në rrjetin TAP

Çështje

Të vijojë bashkëpunimin me Albgaz sh.a. lidhur me tubacionin nga Terminali në Vlorë deri në pikën e takimit me TAP në Fier, e cila, nga njëra anë, krijon mundësinë e përshpejtimin të riparimit të TEC-it Vlorë dhe të vendosjes së tij në punë dhe, nga ana tjetër, krijon mundësinë që të injektohet gaz edhe në rrjetin e TAP-it për nevojat e rajonit.

Impakti

Funksionimi i tubacionin nga Terminali në Vlorë deri në pikën e takimit me TAP në Fier dhe riparimi i TEC-it Vlorë krijon mundësinë që të injektohet gaz edhe në rrjetin e TAP-it për nevojat e rajonit.

Rekomandimi

Bashkëpunimi me Albgaz për funksionimin e tubacionin nga Terminali në Vlorë deri në pikën e takimit me TAP në Fier e cila krijon mundësinë e përshpejtimin të riparimit TEC-it Vlorë si edhe krijon mundësinë që të injektohet gaz edhe në rrjetin e TAP-it për nevojat e rajonit.

Komentet e Drejtimin

Në lidhje me realizimin e këtij rekomandimi ERE nëpërmjet korrespondencës drejtuar MIE dhe Albgaz, ka ofruar ndihmesën dhe bashkëpunimin dhe dhënien e asistencës së nevojshme për çështje të kompetencës së saj, për të bërë të mundur ndërtimin e rrjetit të transmetimit dhe shpërndarjes së gazit natyror si dhe është kërkuar informacion lidhur me parashikimet dhe planet e investimit strategjike për ndërtimin dhe zhvillimin e infrastrukturës së rrjeteve të transmetimit dhe shpërndarjes së gazit natyror. Në po këtë proces është vijuar dhe me nisjen e procedurave të miratimit të planit të zhvillimit 10 vjeçar të Albgaz e cila është në procesin e konsultimeve me palët e interesit pjesë e së cilës është dhe ndërtimi i tubacionit nga terminali në Vlorë në pikën e TAP në Fier.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

8. Ndhimesë në funksionimin e tregut të gazit

Çështje

Në bashkëpunim me aktorët e tjerë të fushës, të ndërmarrë veprime koherente dhe me objektiva të qartë për të krijuar një treg funksional gazi, që shfrytëzon potencialin e infrastrukturës ekzistuese në vend dhe krijon bazat e tregut për planet e zhvillimit të infrastrukturës.

Impakti

Funksionimi i tregut të gazit krijon mundësinë që të injektohet gaz si edhe bazat e tregut për planet e zhvillimit të infrastrukturës.

Rekomandimi

ERE të japë ndihmesën e saj në bashkëpunimin me palët si edhe asistencën e nevojshme për ato problematika që janë në kompetencat e saj për realizimin e këtij procesi.

Komentet e Drejtimit

Në lidhje me realizimin e këtij rekomandimi ERE nëpërmjet korrespondencës drejtuar MIE dhe Albgaz, ka ofruar ndihmesën dhe bashkëpunimin dhe dhënien e asistencës së nevojshme për çështje të kompetencës së saj, për të bërë të mundur ndërtimin e rrjetit të transmetimit dhe shpërndarjes së gazit natyror si dhe është kërkuar informacion lidhur me parashikimet dhe planet e investimet strategjike për ndërtimin dhe zhvillimin e infrastrukturës së rrjeteve të transmetimit dhe shpërndarjes së gazit natyror apo dhe projekteve pilote për gazifikimin e rrethit të Korçës nëpërmjet takimeve me MIE dhe me përfaqesues të SOCAR.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

9. Viojë bashkëpunimi me Agjencinë e Eficencës për përdorimin eficient të energjisë

Çështje

Të vijojë bashkëpunimin me Agjencinë e Eficencës për hartimin e një strategjie të përbashkët afatmesme për adresimin e çështjeve me interes të konsumatorit sa i përket përdorimit eficient të energjisë.

Impakti

Futja e teknologjive të karikimit për makinat elektrike dhe shtimi i këtyre stacioneve. Duke qenë se përdoruesve të tyre do ju shtoheshin akoma më tepër mundësitë për karikim, kjo do nxiste edhe më tepër përdorimin e mjeteve elektrike, që do të sillte një impakt pozitiv në reduktimin e ndotjes nga emëtimit.

Rekomandimi

Duke marrë parasysh rëndësinë dhe impaktin e kësaj çështje, nga ana e ERE-s shihet e nevojshme nxjerrja e konkluzioneve në lidhje me opsionet dhe zgjidhjet përkatse, sa më shpejt të jetë e mundur.

Komentet e Drejtimit

Për plotësimin e këtij rekomandimi ERE ka adresuar disa korrespondenca me Agjencinë e Eficencës duke i kërkuar koordinimin e punës me qëllim adresimin më të shpejtë dhe eficient të çështjeve të interesit për konsumatorin apo informimin e tyre në lidhje me synimin tonë të përbashkët, mbrojtjen e interesave të konsumatorit si edhe përdorimin eficient të energjisë elektrike.

Lidhur me sa më sipër, aktualisht ERE është në negociata zyrtare me Agjencinë e Eficencës për përgatitjen e borshurave informativeme qëllim lidhjen e një marrëveshje bashkëpunimi për koordinimi e punëve sa i përket të cilat do të synojnë të përcjellin këtë informacion të konsumatorit për të adresuar kësaj bashkërisht këtë çështje interesi të përbashkët. Nga ana e ERE do të bëhen përpjekjet më të mira që broshura që do të përgatitet për këtë qëllim të mbërrijë tek çdo konsumator.

Po ashtu, gjatë vitit 2023 janë realizuar komunikime të vazhdueshme të mesazheve sensibilizuese për konsumatorët me qëllim ndërgjesimin e tij në përdorimin më eficient të energjisë elektrike të tillë si informacione se si të kursejmë energji, si funksionon e operon Sistemi ngrohës/ftohës, si ndikon matësi inteligjent në menaxhimin e konsumati familjar apo edhe njohuri në lidhje me përdorimin eficient të pajisjeve elektroshtëpiake dhe informacion mbi konsumin mesatar të tyre.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

10. Implementimi i sistemit të lëshimit, anulimit dhe tregimit të garancive

Çështje

Gjatë vitit 2023-2024 të punojë për implementimin e sistemit të lëshimit, anulimit dhe tregimit të garancive të origjinës në përputhje me standardet e BE-së.

Impakti

Implementimi i sistemit të lëshimit, anulimit dhe tregimit të garancive të origjinës në përputhje me standardet e BE-së.

Rekomandimi

Të bëhen përpjekje për implementimin e sistemit të lëshimit, anulimit dhe tregimit të garancive të origjinës në përputhje me standardet e BE-së.

Komentet e Drejtimin

ERE në Maj të vitit 2023 ka firmosur me shoqërinë Grexel e përzgjedhur nga Sekretariati i Energjisë në Vienë, kontratën për shërbimin e mbajtjes së regjistrit elektronik të garancive të origjinës në vendet e Traktatit të Energjisë së vendeve të Evropës Juglindore. Sa më sipër shënon një hap të rëndësishëm në njohjen e Garancive të Origjinës në vendet e rajonit. Në po këtë kuadër përgjatë vitit 2024 do të realizohet dhe pjesmarrja e plotë e ERE-s në Shoqatën Evropiane të Autoriteteve Lëshuese të garancive të Origjinës (AIB). Përgjatë 2023 janë lëshuar Certifikata të Garancisë së Origjinës për prodhimin e energjisë elektrike nga burimet e rinovueshme për të licencuarit në aktivitetin e prodhimit të energjisë elektrike të cilat do të regjistrohen në platformën elektronike GREXEL përgjatë vitit 2024.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

STATUSI I ÇËSHTJEVE SIPAS LETRES SE DREJTIMIT TE VITIT 2021

1. Zvogëlimi i barrierave rregullatore

Çështje

Me qëllim zvogëlimin e barrierave rregullatore dhe shkurtimin e kohës së procedurave rregullatore, të kryeje një analize ex-post të rregulloreve përkatëse.

Impakti

Rishikimi dhe kryerja e një analize të rregulloreve aktuale, bën të mundur që të identifikohen mangësitë përkatëse, bazuar gjithashtu edhe në evidencat apo rastet specifike që mund të jenë raportuar, si pasojë e barrierave dhe burokracive rregullatorë. Dobësitë dhe problematikat e nxjerra nëpërmjet kësaj analize ex-post, shërbejnë për të përmirësuar kuadrin rregullator në vijim.

Rekomandimi

Realizuar me vendimin 220/2022.

Komentet e Drejtimit

Realizuar me vendimin 220/2022.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

STATUSI I ÇËSHTJEVE SIPAS LETRES SE DREJTIMIT TE VITIT 2020

1. Pronësia e kabinave elektrike

Çështje

ERE për zgjidhjen e problematikës së pronësisë së kabinave elektrike të bëjë propozimet përkatëse edhe për ndryshime ligjore, nëse është e nevojshme, apo të japë rekomandimet e nevojshme për institucionet përkatëse dhe të kërkojë edhe ndërhyrjen e Kuvendit përmes Platformës Ndërinstitucionale Online, të ngritur nga Kuvendi i Shqipërisë, e cila është në dispozicion të institucioneve të pavarura si një mjet i ri që synon rritjen e autoritetit të institucioneve të pavarura, si dhe përfshirjen e Kuvendit të Shqipërisë si katalizator ndërmjet institucioneve të pavarura dhe atyre qeveritare për zgjidhjen e problemeve.

Impakti

Problematika me pronësinë e kabinave elektrike ndikon në krijimin e defekteve të shumta për abonentët duke ndikuar në cilësinë e shërbimit. Abonentët shpesh herë mbeten pa energji elektrike dhe ankohen drejtëpërdrejtë tek OSSH. Gjithashtu për OSSH humbjet në rrjet janë të mëdha për shkak të amortizimit të madh të kabinave dhe kushteve jo të mira të mbajtjes së tyre. Ato gjithashtu shfaqin edhe rrezik për jetën e individëve pranë tyre. Që ato të kalojnë në pronësi të tyre duhet bërë blerje të prokurimeve publike gjë që është e vështirë për tu realizuar.

Rekomandimi

Realizuar me ndryshimet e ligjit 43/2015 ne vitin 2020 neni 71/1.

Komentet e Drejtimit

Realizuar me ndryshimet e ligjit 43/2015 ne vitin 2020 neni 71/1.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

Enti Rregullator i Energjisë Elektrike (ERE) Letra për Drejtimin – Raporti Vjetor 2023

3. Sistemet informative dhe rreziku i sulmit kibernetik

Çështje

Gjatë vitit 2020, me miratimin nga ERE të strategjisë për infrastrukturën kritike në ektorin e energjisë elektrike, ajo duhet t'i kushtojë vëmendje të veçantë implementimit të kësaj strategjie në përputhje me direktivën e BE-së "*Për sigurinë e sistemit dhe sistemeve informatike*".

Impakti

Strategjitë e rregullores për sistemin informativ dhe mbrojtjen ndaj sulmeve kibernetike do të sillnin parandalimin e humbjeve të të dhënave në kushtet e një sulmi kibernetik. Vetëm OST deri më tani ka dërguar rregulloren e përcaktuar për informatizimin e tyre. Mungesa e një specialist IT të trajnuar mbi sigurinë e informacionit tek ERE do të sillte problematika në shqyrtimin e rregullores të sjella nga ana e shoqërive. Mungesa e raportimeve periodike nga ana e shoqërive tregon rrezikshmëri për rënien në kontakt të tyre me sulmet kibernetike sepse vëmendje kushtuar ndaj tyre mund të jetë më e vogël.

Rekomandimi

Ne rekomandojmë ERE të ndërmarrë masat e nevojshme dhe të vazhdueshme për të marrë rregulloret nga ana e 3 shoqërive KESH sh.a., OST sh.a, dhe OSHEE sh.a duke vendosur theksin tek sistemi i parandalimit të vjedhjes dhe humbjes së të dhënave.

Komentet e Drejtimin

Në përputhje me Rregulloren për Sigurinë Kibernetike të Infrastrukturave Kritike në Sektorin e Energjisë Elektrike ERE ka marrë masa për përcjelljen e informacioneve periodike nga ana e 3 shoqërive KESH sh.a., OST sh.a, dhe OSHEE sh.a për marrjen e masave nga këta të fundit në lidhje me implementimin e kësaj rregulloreje. Po ashtu zhvillimi i takimeve të ndryshme me Autoritetin Kombëtar për Certifikimin Elektronik dhe Sigurinë Kibernetike AKCESK për të vijuar bashkëpunimin lidhur me përmirësimin e legjislacionit në fuqi dhe përfshirjen në të të infrastrukturave energjetike pasi siguria kibernetike me avancimet teknologjike në çdo proces për rrjedhojë edhe ekspozimi ndaj rreziqeve është i madh. Po ashtu ERE duhet të parashikojë masa dhe parashikime në buxhet përgjatë vitit 2024 për rritjen e sigurisë kibernetike të sistemeve në përdorim të ERE-s si dhe në vijim duhet të merren masa për akomodimin e strukturës IT që përfshin pajisjet hardware dhe ambientet e nevojshme sipas kërkesave të akteve ligjore.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

REKOMANDIME TE TJERA

- Transpozimi dhe zbatimi i rregullores CACM (Alokimi i Kapaciteteve dhe Menaxhimi i Konxhestioneve) sipas vendimit të Këshillit të ministrave të vendeve antare të Komunitetit të Energjisë.
- Transpozimi i rregullores të FCA, (foreõord capacity allocation)
- Berjen funksionale të sistemit rajonal të garancive të origjines

Lidhur me keto transpozime dhe miratime të akteve rregullatore që lindin si detyrime nga pjesmarrja në tregun vendas dhe rajonal të energjisë është e nevojshme që ERE të ketë konsulence të jashtme të specializuar në keto fusha.

Enti Rregullator i Energjisë Elektrike (ERE) Letra për Drejtimin – Raporti Vjetor 2023

Shtojcë

Përgjegjësia e Drejtimin për Objektivat dhe Kufizimet e Sistemit të Kontrollit të Brendshëm

Komentet e mëposhtme u referohen përgjegjësise së Drejtimin për sistemin e brendshëm të kontroleve, ku objektivat dhe kufizimet e qënësishme në sistemin e kontrollit të brendshëm janë marrë nga Standardet Ndërkombëtare të Auditimit të Federatës Ndërkombëtare të Kontabilistëve.

Përgjegjësia e Drejtimin

Drejtimi është përgjegjës për vendosjen dhe mirëmbajtjen e sistemit të kontroleve të brendshme. Në përmbushjen e kësaj përgjegjësie, Drejtimi duhet të vlerësoje përfitimet dhe kostot e pritura përkatëse të politikave dhe procedurave për kontrollet e brendshme.

Objektivat

Objektivat e sistemit të kontrollit të brendshëm janë që të japin siguri drejtimi, sa më shumë të jetë e mundur, që asetet të jenë të mbrojtura nga përdorimi i paautorizuar ose keqpërdorimi, dhe se transaksionet janë ekzekutuar në përputhje me politikat e drejtimin dhe të regjistrohen saktë, në mënyrë që të mundësohet përgatitja në kohë e informacionit të besueshëm financiar në përputhje me parimet e zbatueshme të kontabilitetit.

Kufizimet

Për shkak të kufizimeve të qënësishme në çdo sistem të kontrollit të brendshëm, gabimet apo parregullsitë, mund të ndodhin dhe të mbeten të pazbuluara. Gjithashtu, parashikimi i çdo vlerësimi të sistemit të kontrollit të brendshëm për periudhat e ardhshme është subjekt i rrezikut që politikat dhe procedurat mund të bëhen të papërshtatshme për shkak të ndryshimeve të kushteve ose efektiviteti i hartimit dhe i zbatimit të politikave dhe procedurave mund të përkeqësohet.



Adresa:Rr."L.Gurakuqi;Ndëtesa.18; H.4; K.6: Ap.21,
Tiranë, Albania
T:04 56 28 875
Web: www.viar.al



Str. Margarita Tutulani,
Palazzo Viridario 1, 1-st floor,
Tirana, Albania
T: +355 4 223 2726
www.nexia.al

RAPORT I SIGURISË SË PROFESIONISTIT TË PAVARUR

Drejtuar: Kryetarit dhe Bordit të Entit Rregullator të Energjisë (ERE)

Enti Rregullator i Energjisë ("ERE" ose "Enti") angazhoi audituesit e pavarur Shoqërinë VIAR-Consulting shpk me Audituese Ligjore Znj. Fatime Alliu me Licensë Nr.166 dhe Shoqërinë Nexia AL shpk, me Audituese Ligjore Znj. Orjana Kalaja me Licensë Nr.284 (referuar më tej si "Audituesit"), për të shqyrtuar informacionin jo-financiar të paraqitur në Raportin Vjetor për vitin e mbyllur më 31 Dhjetor 2023 ("të dhëna të zgjedhura"), me qëllim dhënien e sigurisë së kufizuar sipas kriterëve të përshkruara më poshtë (Qëllimi i punës). Për qëllimet e këtij raporti, të dhënat e zgjedhura kanë të bëjnë me veprimtarinë e Entit në Shqipëri dhe nuk përfshijnë informacione që kanë të bëjnë me palë të tjera bashkëpunuese ose aktivitete / performanca të palëve të treta.

Qëllimi i punës

Angazhimi i dhënies së sigurisë është planifikuar dhe kryer në përputhje me Standardin Ndërkombëtar SNAS 3000, "Angazhimet e Dhënies së Sigurisë ("SNAS 3000") që ndryshojnë nga Auditimet ose Rishikimet e Informacioneve Financiare Historike", me qëllim që të japim një opinion për dhënie sigurie të nivelit të kufizuar për:

- Verifikimin e informacioneve shpjeguese cilësore dhe sasiore të paraqitura në Raportin Vjetor 2023 në mënyrë specifike për gjendjen në sektorin e energjisë elektrike dhe të gazit natyror, në krahasim me kriteret e zbatueshme ("Kriteret e Përformances", të ilustruara në Raportin Vjetor), mbështetur në Ligjin nr. 43/2015, "Për Sektorin e Energjisë Elektrike", i ndryshuar dhe Ligjin Nr. 102/2015 "Për Sektorin e Gazit Natyror", i ndryshuar.



Adresa: Rr. "L.Gurakuqi; Ndëtesa.18; H.4; K.6: Ap.21,
Tiranë, Albania
T: 04 56 28 875
Web: www.viar.al



Str. Margarita Tutulani,
Palazzo Viridario 1, 1-st floor,
Tirana, Albania
T: +355 4 223 2726
www.nexia.al

Përgjegjësitë e drejtimit

Drejtimi i të Entit Rregullator të Energjisë është përgjegjës për përgatitjen, prezantimin, tërësinë dhe saktësinë e të dhënave jofinanciare të dhëna për ne, siç paraqiten në Raportin Vjetor 2023. Për më tepër, drejtimi i ERE është përgjegjës për regjistrimet e mbajtura dhe kontrollet e brendshme të përshtatshme që janë krijuar për të mbështetur procesin e raportimit dhe të përputhshmerisë ligjore. Në mënyrë të veçantë, drejtimi është përgjegjës për hartimin e kontrolleve të brendshme dhe zbatimin e tyre për të parandaluar që Raporti të ketë anomali materiale.

Përgjegjësitë e Audituesve

Ne kemi kryer një shërbim dhënie sigurie të kufizuar. Përgjegjësia jonë është të shprehim konkluzionin tonë bazuar në procedurat e kryera, për të dhënat e zgjedhura, siç përshkruhet më sipër në seksionin "Qëllimi i punës".

Përgjegjësia jonë është e kufizuar në informacionin shpjegues për vitin e mbyllur më 31 dhjetor 2023, të prezantuara në Raportin Vjetor për vitin 2023.

Në masën që lejohet nga legjislacioni në fuqi, ne nuk pranojmë dhe nuk marrim asnjë përgjegjësi për angazhimin tonë, ndaj kujtdo tjetër përveç ERE, përveç rasteve kur është rënë dakord në mënyrë të shkruar, me pëlqimin tonë paraprak.

Ne kemi kryer punën tonë duke mbledhur gjithë të dhënat, dokumentacionin përkatës, informacionin dhe shpjegimet që ne i konsideruam të nevojshme për të dhënat e zgjedhura të përshkruara, në seksionin "Qëllimi i punës". Procedurat e ndjekura në lidhje me të dhënat e zgjedhura përfshijnë:

- Intervistat me drejtimin dhe personelin përgjegjës për informacionin dhe supozimet përkatëse.
- Vizita në ambientet e Entit Rregullator të Energjisë.

- Rishikimit dhe vlerësimit të proceseve dhe kontrolleve të përdorura për mbledhjen, grumbullimin, vlerësimin dhe raportimin e të dhënave;
- Teste me zgjedhje mbi të dhënat e mbledhura dhe formulat, kur kërkohen.

Niveli i Dhënies së Sigurisë

Procedurat që kemi kryer janë hartuar për të ofruar siguri të kufizuar, sic specifikohet në SNAS 3000, mbi të cilat ne u bazuam për të arritur në konkluzione për angazhimin tonë. Këto procedura nuk janë aq të zgjeruara sa ato që kërkohen për dhënien e sigurisë së arsyeshme, për pasojë, merret një nivel më i ulët i sigurisë.

Kufizimet

Për të kryer punën tonë, ne u mbështetëm ekskluzivisht në informacionin e dhënë nga drejtuesit e Drejtorive të Entit Rregullator të Energjisë, të cilin ne e pranuan me mirëbesim si informacion të plotë, të saktë, të vërtetë dhe jo mashtrues.

- Si rrjedhim, ne nuk kemi kryer procedura verifikimi shtesë, përveç procedurave të përcaktuara në mënyrë të qartë në Raportin tonë në seksionin, Përgjegjësitë e Audituesve, të cilat rrjedhin nga metodologjia e rënë dakort reciprokisht.
- Asnjë punë nuk është kryer për të dhënat të periudhave të raportimeve të mëparshme, si dhe mbi të dhënat në lidhje me objektivat dhe parashikimet.
- Asnjë punë nuk është kryer për asgjë tjetër përveç qëllimit të rënë dakord dhe për rrjedhojë, konkluzioni ynë është i kufizuar për këtë qëllim.

Pavarësia

Audituesit zbatojnë kërkesat e Standardit Ndërkombëtar për Menaxhimin e Cilesisë nr.1 (SNMC nr. 1). Bazuar në këtë, mbajmë një sistem të menaxhimit të integruar të cilësisë që përfshin politikat dhe procedurat për respektimin e parimeve morale, standardeve profesionale dhe kërkesave përkatëse ligjore dhe rregullatore. Ne jemi në përputhje me kërkesat e pavarësisë dhe



STUDIO
"VIAR - CONSULTING" sh.p.k

Adresa:Rr."L.Gurakuqi;Ndëtesa.18; H.4; K.6: Ap.21,
Tiranë ,Albania
T:04 56 28 875
Web: www.viar.al



Str. Margarita Tutulani,
Palazzo Viridario 1, 1-st floor,
Tirana, Albania
T: +355 4 223 2726
www.nexia.al

standardet e tjera etike të Kodit Etikes së IFAC për profesionistët të Bordit të Standardeve Ndërkombetare të Etikes për Audituesit (IESBA), i cili bazohet në parimet themelore të integritetit, paanshmerisë, përshtatshmerisë profesionale, konfidencialitetit dhe sjelljes profesionale. Në këtë kontekst, ekipi Audituesve për dhënien e sigurisë është i pavarur nga Enti Rregullator të Energjise dhe nuk ka marrë pjesë në përgatitjen e Raportit Vjetor për vitin 2023.

Konkluzione

Bazuar në procedurat e kryera dhe evidencën e marrë, asgjë nuk na ka tërhequr vëmendjen tonë që të na bëjë të besojmë se ka ndonjë gabim ose anomali që do të ndikonte materialisht në dhënien e informacioneve rreth përputhshërisë ligjore të aktivitetit (përfshire shënimet shpjeguese dhe referencat përkatëse) sic paraqiten në Raportin Vjetor të Entit Rregullator të Energjisë për vitin e mbyllur më 31 Dhjetor 2023. Për më tepër, asgjë nuk ka tërhequr vëmendjen tonë që të bëjë të besojme se të dhënat e paraqitura, nuk janë përgatitur, në të gjitha aspektet materiale, në përputhje me kriteret e përmendura më lart, në seksionin "Qëllimi i punës".

Nexia-AL sh.p.k

Orjana Kalaja

Auditues Ligjor

License Nr.284



Tiranë, 29 mars 2024